

春融堂集

春融堂集卷十五

青浦 王昶 德甫

杏花春雨書齋集

丁酉 丙申

克塽喇依

即剏耳厓

賊巢獻俘奏凱紀事

四面雄師喙走難
蕻藜桂桓亘層巒
芻糧已竭山泉斷
礮石頻摧窟室殘
尺組羣看擒頤利
稟街定擬斬樓蘭
餘黎仍俾安耕鑿
始識天朝雨露寬

列營清曉振鳴鼉
無復烽煙遶澗阿
旗幟連雲歸翰墨

時繪

金川戰圖

并說以進笳簫動地演饒歌
石碣剏煨耕鋤便鐵索
安閒襁負多七十二番通衛藏
蕩平從此戢干戈

捷書夜奏

未央宮錫爵酌勳禮
數隆五色蟠龍紅抱日
雙

翎孔雀翠迎風篋
篋絡繹馳中使

綸綍輝煌冊上公
一德

君臣承 廟算斷金洵與畫蘭同

分起貔貅振旅旋維關瓦寺仲春天魚龍十隊供宵戲雞犬
千村盡蠶眠柳浪初晴聞鼓角麥風乍暖拂纓鞭須知忠勇
邀天佑吉謬還徵大有年

是日得豐稔招奉

批蜀中二冬清蔥春收旨是皆汝等忠勇所致也

汝川道中望青城山

名山天下共有八五在中夏三蠻荒岨山東來走千里青城
特起峯巒長五岳丈人帝所命衡恆泰華相低昂靈峯六六
洞八十高臺太乙疇能詳羣尊來朝歛隱見端倪指笏歸瑤
閭彤幢絳節互出沒雲裾霞珮時翱翔神靈來去莫究詰但
見簾泉百道飛山陽昔讀洞天福地記夢中每欲驂鸞風天
彭井絡豈易到側身西跂徒徬徨往年領軍曾過此仰見突

兀摩穹蒼其時元冥方屈節風雨冰雪嗟其零千巖萬壑勢
難越安得躡躑還褰裳仙靈撫掌應笑我凡情俗骨難飛揚
方今西師已大捷櫜弓捲甲歸龍驤雷霆遠震懾鳥許雨露
旁暨通狼隴回軍還過是山麓青雲千呂升初陽飛樓連樹
宛可觀貞松古檜遙成行惟緣 郊勞屆期日豈敢跋涉窮
仙鄉我聞長生此修道千人輕舉朝虛皇闐風元圃絕塵世
方壺圓嶠迴重洋仙人吹笛跨黃鶴老子攜杖驅青羊彼多
遇也此入境悔不雀躍從雲鏘徘徊申旦不能寐起視丹火
森光芒

天晴時山中夜間常有火
影土人云此丹鑪火也

吳學使冲之杜方伯凝臺 玉林 曹員外秋漁 楊刺

史笠湖餞別松茂官舍并懷恂叔

松州高館綺筵張凱樂聲喧奏白狼 中禁昔同裁鳳詔

謂冲

之大羅憶共詠霓裳

謂疑臺

依依雪後攀村柳冉冉花開戀海

棠回首升菴人更遠

悔叔時奉檄在三果羅未見

相思夢繞碧雞坊

發成都

高牙大纛捲雲蜺正值春晴驛路泥萬隊軍裝紅鞵踏千山
凱唱白銅鞮浣花婦女歡清宴錦水賓朋惜解攜從此秦關
兼蜀棧回鞭尚指劍鋒西

過梓潼文昌宮

九曲神靈異千秋祀典詳人間尊孝友天上煥文章映月寒
無暈穿雲夜有芒端宜偕吉甫豈合夢姚姦陰臨殊堪信科
名莫易量化書存法解司命慎行藏際此蠻氛定徐看德教
彰揭來斜照裏稽首薦馨香

謁諸葛忠武侯祠

玉座靈旗闕殿開綸巾羽扇見清裁
早籌炎漢三分業寧嬾當塗十倍才
八百株桑傳世澤二千尺柏蔭香臺
錦官舊蹟都銷歇還有遺民涕淚哀

劔關

昨宿昭化縣今過大劔山關門據梁益
其頂齊雲煙色黯積鏐鐵峯銳倖戈
鋌西排踰百里緩鳥愁騰鸞其東臨大
壑壁立窮迴淵欒森松枯暗慘澹蛟螭
蟠石欹危緣足徑仄愁摩肩一夫苟荷
戟萬眾嗟重趺所以張孟陽勒銘發悲
歎茲來太平久阨塞齊雕鐫弓刀聽戛
擊鼓角聞喧闐旌旗出復沒躍馬皆安
便寄語奸雄輩慎勿思泥丸

寧羌州

寧羌隘而瘠其地實要衝南爲巴蜀道
北行入秦中其西接

漢沔山勢爭龍提秦楚旣互據劉曹亦交攻地利苟不悉何
以成霸功我來憩傳舍日昃輪微紅洗兵雨又至黑霧連長
空偶聞虎豹嘯恐有魍魎逢荆榛習門戶沙礫堆牆墉自古
塵戰地怪變何能窮須臾風霾盡新月懸高松俯仰念豪傑
豁達開心胸

定軍山望諸葛忠武侯墓

山水盤高塚風雲相霸圖臥龍神尚在石馬夜常趨一德追
伊呂三分限魏吳英雄千古恨霑灑遍蒼蕪

漢中

雍益千里餘南鄭扼孔道煙雲雜明晦岡嶺更環抱櫛比聯
市鄠崇墉富稷稻厥土多膏腴收穫免旱澇瞻財而厲兵雲
雷應天造非惟制三秦兼可抗八表龍準先開基豫州承大

寶堂堂諸葛公威靈申義討統兵向洛陽河朔定風埽志大
未逢時將星質穹昊千秋王霸人憑弔心如擣我從金牛來
中原睇韓趙地險真可恃胡然任雲擾乃知遇庸臣關輔遂
難保茲行際春和風日喜晴曉懷古亦奚爲臨風散憂悄

鳳嶺

早度柴關危晚見鳳嶺曠雲山奇不了到眼但悲壯松偃蛟
龍形石拏虎豹狀商洛渺人煙褒斜屹屏嶂一髮瞰中原坤
輿信浩蕩我聞周錄興鸞鳳此引吭梧桐亦葦蕒卜年兆無
量今茲慶又安烽煙息邊障歸昌行婆娑雖啣發高唱

過畫眉關戲作

閣道春深日影遲珍禽處處轉花枝喚將傳檄飛書筆歸向
章臺學畫眉

鳳州

薑芽不見手纖纖
新酒微酸又半甜
只有城南數株柳
柔黃淺綠颺茅檐

馬嵬驛楊貴妃墓

蓬萊雲海久茫茫
剩有靈祠對夕陽
四壁遺詩鐫石罍
雷集唐宋詩
刻狀於壁
千秋過客弔香囊
驪山賜浴承恩渥
劒閣聞鈴飲恨長
休說一抔紅粉墓
古今從此鑒興亡

行至西安秋帆撫軍合樂畱飲卽席四首

十隊旌旗映日紅
凱歌聲裏笑言同
轉輸久已侔蕭相
籌畫尤能贊晉公
陝西爲入川要道君運驢匹衣裝相繼不絕又常以書陳攻勦之策甚詳
星隕櫟槍綏井絡地安甯
鑿徧河潼愧無典
午如椽筆未勒豐
珉記鉅功

高牙大纛散華筵正值和風旭日天
跌蕩嚴關開百二驍騰
禁旅過三千時索倫秦晉之兵已撤萬餘隨
明燈似月笳簫
壯旨酒如池角觥駢却憶碣門經百戰
韓刀伏突見李臨淮碑映
囊韃

香案仙班第一人十年填撫重三秦
豐年久兆和甘應
溫
旨常叨
賚予頻賓館詞章珠履盛鈿車
金粉畫奩新政成
清暇猶勤學著作琅函日日親

酒酣耳熱氣飛揚
摻袂題襟樂未央
況值三春逢舊雨時袁侍郎
東有在坐迂谷嚴侍讀
休嗟兩鬢點新霜
參旗映月更籌轉
華嶽臨河

驛路長抗手鳴鞭馳馬去
桃林燈火已輝煌

渡河

九曲自崑崙龍門復孟門
風雲連趙魏嶽瀆表乾坤
兩戒神

功在千秋故道存
酈乘我不取端與孟堅論

曉行

曉出同戈驛金盆落月低
鈴高邊馬疾弓響怪禽啼
得雨桑陰密翻風麥穗齊
回瞻蘆筍色已在亂雲西

鎮定道中

蓐食纔收見早曦
恆山晉水路逶迤
喜聞驛馬嘶風去
正值林鳩喚雨時
戍卒鳴笳開道路
村僮攘袂指旌旗
八年不見晴光好
菜蕪桃花滿路歧

抵良鄉

上命誠親王大學士舒公賜將士飯恭

紀

袞衣繡黼示恩綸
絡繹天府賜八珍
滅竈頻年驚蓐食
傳餐此日飲芳醇
壺漿簞食遐方靖
玉膾金齏異命申
近

望五雲同稽首投醪久已沐 深仁

二十七日

聖駕幸黃新莊行郊勞禮奉

命

戎服入預鉅典翌日

賜宴紫光閣賞朝珠文綺銀

幣等物紀恩四言詩一百六十韻

柔兆涒灘月實沈次吉日乙丑長蕤昌熾薰風徐來晴陽初

霽雨金川平萬方和會

詔令班師策勳飲至崇功懋賞稠

頒疊賜橐弓舛戈往典罔替捷書所傳德音所示率土騰歡

山陬海澨

總以上淇惟

聖朝憲天出治悉主悉臣暨于奕

世雨露以仁雷霆以義同軌同倫胥霑汪濊東踰嶠夷西迨

月竊梯山航海獻琛受贄爰有么膺伏莽爲祟渺若蠛蠓碎

猶螻蟻厥號促浸儼拉爲比居河之麋妄思吞噬往覘跳踉

歲在己巳元臣上將是伐是肆厥角稽首蘄留其類飛章入

告 詔從寬大

以上序乾隆己巳年大學士傅恆進剿金川郎卡受款撤兵

垂三十春微

髮迄父豺狼猖獗逆種相繼血人于牙遂踵兇悖置吏以聞

乞加誅殪

帝曰徐之母勞烽燧

命九土司各簡精銳

噬蠻攻蠻犇走自斃首鼠游移兩端疑貳績用弗成妖氛益

厲戕萼克什雜谷驚悸封豕長蛇游食是恣

帝曰弗哉

是奚可貰非張六師曷讐四裔特

命騰衝移師往刈

時溫將軍

治兵騰衝爲征緬之舉

申

命司農

謂戶部侍郎桂林

有虔載旆豈虞阨塞潛

竄魑魅毒懷辛螫狡甚墜屎墨隴夜燔木果晚潰虞殞空悲

殺尸孰瘞羣情回惑疇決大計

以上序金川索諾木與小金川僧格桑糾結侵敵兩路進

討失利之事

審計精詳默孚天意言念重臣公忠篤摯曩在

西陲羌胡懷畏仍

命統師總率羣帥金印煌煌定西最貴

出諸

史宸用遵節制輔以虎臣羽林宿衛再簡雄驍索倫

曠騎配以京營雲梯火器梅鉞蠻巴

名大爺

益以武械分道太

行循于河渭秦關蜀棧旌旄綵繚投石超距羣材奮勵

以上

詔令再

舉進剿惟茲梁益萬山鈎帶逮五印度攢青湧翠上拂天根

下紐地肺如鵬張翼如鼇露背或剡而飛或排而跂給飭詰

屈嵯峨幽墮藤蘿竄篠杉櫺蒙夔冬雷殷殷夏霰泥泥路仄

艱循巖虛凜墜崇碣崔嵬堅卡迤邐醜徒莘莘傍窺密伺火

鎗礮礮機石礮礮揚沙斷木竊撐螳臂熊羆萬千敢以身試

以上序兩金將軍曰吁莫負英驚聚米呈圖總攬全勢出奇

乘間九天九地先服美諾用紆忿懷三道進兵由噶爾始執

冰而渡操蜚而躋懸布而登緣緬而縋斷彼檜櫟聯跨阻隘

川流湯湯兩岸兵匯皮船截浪厥母先繫弁石同摧衝車齊

曳旣斷泉源兼窮糧精梁折棟撓牆圯垣壞遁逃無門喘息

奚恃面縛與機轂餽擲連拘妻孥旋繫兄弟土官土目延

頸縲絏盡掃狡窟戴戎事

以上序連克兩金川俘賊酋全家僧格桑走死亦獲首級之事

明駝宵馳甘泉曉遞

詔賜上公封同帶礪龍袞徵卷

平聲雀

翎雙綴白馬紫韁來于

上駟畫簷芳蘭斷金是契異數殊

恩九霄霑被次及羣僚悉叨

寵施遷秩晉階庸獎勞勩

乃勅禮官粵稽經誼樂游陳傳觀德唐志西師昔還儀炳

金匱郊勞鴻規有舉莫廢惟時

絲綸已播中外

蠲租

賜復輕徭薄稅并絳天彭旄鵠掃雪兩川蒙庥三秦送喜振

旅啟行分營別隊檉柳連陰薶薶岐聽繡桃紅殷芳草綠膩

白狼朱鸞愷樂爭沸後舞前歌達于幽薊

以上序行賞

宣

諭宗藩率衡同萃載飭大官勞以酒馔進抵良鄉基如方罍

高臺崇壇煊赫雲際戎服衲衲儒冠棣棣穆穆皇皇六飛

臨莅七萃扶輪八能承蓋金鴉騰空祥輝布瑞寶靈霽皇于
以次植抱膝而前 天顏有睟樂作禮全笳簫鼓吹聚觀
駢闐徧及婦稚 翠華還宮刑官奏議獻俘 午門肆諸朝
市俾緬人觀魂驚魄碎迺 幸苑西金黿玉蟠太液池寬晴
波溶潏 紫光歸然丹青藻繪千步毬場向以策士上圖將
相凌煙之似褒鄂弓刀蕭曹劍佩戰績興圖前徽具在用啟
長筵再宣 慈惠膳宰具匕饗人備食觴以清醪嘉以珍味
折俎蒸穀溢于鼎鼐修銅脯胖醢芬陳饋湛露彤弓宮懸分
真麤部清音梨園仙籟拔河翹關示以瓊瑋度索懸槿俛以
疑駭耳目眩易樂此百戲娛娛漸畢重以 優賚奕奕琲珠
重重文筍舞蹈歡呼 皇仁霽霈仰見 廟謨運在清閭
謀斷乃成任專斯濟 帷幄折衝功成五歲上于 山

陵告于洙泗更攬天文鴻章鉅製鏤鐫玫負以鼂肩令
置軍屯用安耕耒歸馬放牛邊隅永賴凡此宸猷昭示邊
吏漢收谷蠡唐擒頡利伊古準今莫能爲儷以上序賜飯賜
食賜宴郊勞等
事臣本輕才典午攸寄據鞍磨盾偏長末藝忝在戎行夙知
覩記豈曰能文敢同崔蔡庸矢調言佐太史記

歸京師

九載年華等逝波循陔陟屺兩蹉跎入門砌已開紅藥轉徑
牆猶冒碧蘿香鼎茶爐仍帖妥書籤畫匣載摩挲喜心倒極
言難盡更愧慈親涕淚多

病瘍

蓋染細中瘡毒在雪山
不發至內地則發也

蠻服繇來瘴厲多戛鳩惡劣甚牂柯金城雖已隨充國土室
終疑困伏波炎暑何堪長就枕庸醫直恐致沈疴閑官不聽

蘭臺鼓

時已授鴻臚寺卿

已覺兼旬廢歌

孟秋時享齋宿鴻臚寺署

素商愔將臨炎氣午猶熾向晚入官廬微颺振涼吹維茲句
臚居羣藩所瞻視棟阿旣崔巍几席亦周置古樹高拂牆維
華下綴砌明晨值孟秋齋宿獲清閑 法駕蒐興桓肅 命
親藩莅昭事敢勿勤洗心詎遑寐少聞九門開旋覺六街沸
迢迢禁鐘嚴銀河亘天際

授通政司謝 恩赴熱河作

脫劒橐弓乍六旬拜 恩又復上征輪幾年不過盧龍塞仍
見青山面面勻

了髻臨秋色倍明單衫快馬又經行山林似亦知人意掃盡
陰雲與目成

白河繚繞更灤河斷汭荒灣雜樹多行傍塞垣三十曲石橋
莊外下淖沱

土竈茆檐晷正長風吹餅餌散餘香鄉村贏得兒童喜撲棗
爭梨又滿筐

鵲語稀聞絡緯多一鉤鮮月近明河居人豈解穿鍼節也有
香燈隱薜蘿

閒窗小簾覺微寒屢過無如此夕安最喜山泉秋更漲石砭
南去夜潺湲

塗中卽事

流火時方屆長贏氣尚融乞漿呼走隸說餅愛村童上市櫬
梨富登場黍稷豐披襟還小憩香滿棗花叢

三道梁喜見張舍人商言夜話

西南轉徙八年餘每荷瑤華訊起居顧我形容還潦倒喜君
意氣正軒渠詞章少擬三都賦校勘新研四庫書時君充文淵閣校理
自笑籬官多夙習相從尚欲攷蟲魚

原作

張 埴商言

看月山梁山翠無月中相對話榮枯十年慈母雙行淚萬
里歸襄八陣圖名士縱橫能仗劍詩篇彊硬亦彎弧慰忠
祠記蒼茫在又爲知交一歎吁成都建慰忠祠蓋祀亡友趙升之程香巖諸君者述庵撰碑記

八月初七日奉 命重赴 山莊進哨

新月弦將上清秋節近中安仁閒已久公幹體還冲南極星
杓麗西陲琛費同重行瞻舊典振策躍青驄

永安園中

上親射鹿一發中之

命進

慈寧恭紀

其驚神臂應天功一矢兼收福祿崇乍見團圓開滿月旋聞
霹靂響生風菟苗自合通靈佑巧力俱全等化工 聖武
由來歸 聖孝朝馳珍膳達 璇宮

合園後有鹿逸至金壇相國帳中繫以呈 獻膳房
特 賜雙眼花翎以誌嘉瑞

四山萬騎殷雷霆黃閣開帷對翠屏豈有射聲來虎帳竟同
折角出龍廷八珍絡繹增仙膳雙眼勻圓耀彩翎總與明良
添盛事好傳佳話玉堂聽 相國時掌翰林院事

萬樹園陪蒙古王公 賜宴二十四韻

七萃從禽罷三驅振旅還蒼崖邊外路紅樹 苑中山 禁
籊霜初肅平臯草盡刪鵬絲看其解馬潼喜均頒 盛典徠

諸部 鴻慈洽大寰位分藩服坐行次侍臣班入 覲儀容

恪來王禮度嫺拜颺申振動周禮九拜有振動之拜 踰濟倍安閒角立

空拳奮凌虛巨索扳低昂神錯愕排蕩影編爛緣縋奇爭炫

尋撞氣不孱祆神紅帙首妖女翠低鬟搏拊咸韶亞俳優旃

孟間明燈開歷落爆竹響連環晃朗龍鱗麗飛翔鶴步黝繁

星流碧漢大礮震重關燕飲寧辭醉徵歌祇自憫豆登歆苾

苾鼎鼎色斑斑綠蟻浮三爵銀蟾露半彎銜 恩原浹髓

飽 德更開顏香薰帷宮暖雲圍 御幄殷 龍光施北國

豹岑懾南蠻時遣緬人南歸 此日樊渠奏先時帶礪盼前年已封貝子貝勒王公

等 嵩呼 皇澤溥灑水比潺湲

進古北口

獵獵旌旗萬騎旋蒼崖紅樹夕陽邊寒求妙藥醫龜手飢入

行厨斫蔬肩撲面尚驚風似翦當頭又見月如鉉不知灤水
緣何意嗚咽尤聞出塞泉

題清涼挹翠冊爲周舍人

發春

作用二十五合二十

二韻

聞君卜幽居門對長干塢樹影罨孤亭苔痕上橫榻彎環翠
幾棱昕夕煙霏合景色如此佳何事紅塵踏君本嬾雅材七
略心胸納校字火吹藜載書車用蠟佇睇簡雲姿致身宜省
閭偶然繪江鄉溪山靜喧還矧有六朝松閣世屢僧臘不攜
古錦囊不挂鴟夸楫蕭條便高寄頗似梅花衲洵矣絕清虛
於焉謝紛雜秦淮我夙經觀覽朋簪盍埭古敞平蕪湖澹渺
歎飲依稀埽葉樓樓在清涼山寺中乘秋躡雙吸曩游已廿年從戎
更鞅轡勝境天一隅相望但嗚咽臨窗展此圖彈指繞三匝

良辰正深秋黃鞠照扉闔酒鎗旣淋漓詩筆俄飄沓何日續
前盟寺門趁飛鶴與君飲蛾綠清吟互相答

送李勉伯純之恩樂任

華陽黑水惟梁州滇池更越西南陬自此東行復千里猛摩
者島非人儔漢宋以來未屬役元明稍稍通其球本朝聲
教迄禁昧生蠻漸已知耕耰黑獬白馬罷爭鬪蘆笙銅鼓銷
戈矛種人究覺習尚異瘴母或作征途愁君也行年近六十
捧檄萬里驅前騶東吳回望天一角驕宦詎免憂心妯酌君
一杯勿紆軫牂柯我昨曾遨遊蒼山洱海窮驛遞金沙鐵壁
參軍籌此中風景頗熟悉請以臆對君無訖銀生風俗醇不
偷厭土赤墮恆倍收滿山紅殷開腳躡遍野黃落登糴甍煙
邨日曉其驂條平田雨足閒耕牛男能把鋤女能績賦稅本

薄輕誅求訟庭無人獄生草往往經歲虛呼囚碧羅之山煙
雲稠屏展環帶峯巒迢曩時蒙氏號南嶽禮與朱鳥同牲羞
杉木江水濃如油屈曲下注瀾滄流溪山左右帶畫堞足恣
幽討兼冥搜矧君詩名三十載十字重比珊瑚鉤蠻荒自古
乏清賞要藉翰墨垂千秋君今此去母夷猶登高作賦揚清
謳我有舊刻存巖幽子游昆明之近華浦大理之龍尾關永昌之易羅池皆有詩學使孫君令宜刻
石期君與我遙相酬

題畫冊二首

樹老鮮繁枝霜淨無畱葉蕭條欲雪天野徑何人涉惟餘竹
數莖疎陰互交接石丈更清癯雲根皴千疊兩君各耐寒與
世洗炎熱人間炙手徒對此神應懾誰爲絕俗者於茲幽賞
愜

寒山幾疊青遠水千重碧依依葭菼亂隱隱楓櫺積危磔出
層雲譙樓俯空磧誰人櫂扁舟遠檣垂楊驛頗似襄樊間我
舊曾于役何當如次山洄溪就魚麥

家敦初上舍

復

至都賦贈

九載重逢執手頻零丁身世共霑巾誰憐葛帔衝寒雪空見
麻衣染路塵抵掌笑譚驚再世鏤心詩句足千春

時以新刊
丁辛老屋

詩集
見示

代興他日須君等莫爲窮愁便損神

題申副憲笏山三分水二分竹圖

卜得幽居遠市塵疏池掃籜作因緣懸知生計無多許合配
城西第五泉

春色三分未足多濠梁清境比如何先生八九吞雲夢一任
人誇萬頃波

綠坡恰種千竿秀拂座欣披六月涼更葺三椽茅屋好十分清蔭滿林塘

消寒小集分賦鄒湛若硯四十韻

湛若名露漁洋所謂海雪畸人死抱琴者也工諸體書學使者以恭寬信敏惠發題湛若制藝五比用大小篆八分行草分書之常亡命入廣西尋鬼門舊蹟又爲緡女執兵符者雲卿孃書記歸撰赤雅一編以紀其事家蓄藏真墨蹟又蓄二琴一曰南風宋理宗宮中物一曰綠綺臺唐武德年製其詩名嶠雅手自開雕甚工今硯長四寸六分寬二寸有七鐫天風吹夜泉五字分書又湛若二字楷書又明福洞主小印皆勒在左側

先生昔空居長物竟何有生平嗜陶泓再拜盟石友茲硯更
溫如嘉品實無耦材爲端溪良質乃下巖首朝洗暨夜吟十
年恆著手自賦從軍行西南共巡擷嶺雪高入雲江瘴濃于
酒草檄兼飛書羣蠻隨指喉萬里幸歸來堅貞共无咎安排
侶楮墨拂拭淨塵垢維時眉嘉平霜飈刮窗牖張鐙暮開筵
捧出陳巫右其理潤而栗其色蒼且黝天風吹夜泉五字等
蝌蚪曰明福洞主小印細堪剖坐客爭摩挲歎賞豈容口崎
人緬海雪滄桑遭不偶于書得藏真護惜倍瓊玖于琴得綠
綺鄭重踰圭卣與此寶成三勒銘志不朽巾笥互提攜蠻獫
伴奔走想當綴文時蛟龍動蚴蟉是硯亦浮筠六書別跟肘
暨乎游鬼門土伯雄血拇挾此硯與俱作書紀凶醜至其侍
雲鞞侏僂遍林藪端惟寶硯功軍符列紛糾劫灰蕩南溟尼

運逼陽九從容遂舍生浩氣拂星斗琴書靡子遺潛璞誰所
守精靈本不沫肯使資覆瓿堅剛謝齟缺完好存樸厚龍尾
與鳳咮眎此瞠乎後玉蟾如有知清淚定迸瀏層冰凍檐牙
落月挂欒柳笑譚氣成虹感激胷堆阜祕同鉅伯匱重比太
公缶懸知餘澤存取用敢或苟應以寫嶠雅千古並垂久

元旦

啟明光已耀東廊椽燭紅爐照畫梁六日七分春乍轉五更
三點漏方長消寒臘酒開新釀稱體朝衫認舊香行至虎坊
橋漸近御街燈火更輝煌

初四日曹太僕慕堂

學閨

紀曉嵐

附

曹竹虛

文植

兩

學士招同小集

頻年元夕渺天涯褰屐重來賞物華喜聽笙簫連爆竹更移

簾幕護梅花新詩共愛湘靈瑟

同人謂子楚中詩最佳

異事如乘博望

槎

時惻征緬蜀徵紀聞

憑仗諸君蠲宿疾敢辭勲飲醉流霞

奉

命同大學士梁

國治

副都統博

清額

給事中

劉

謹之

恭輯

大喪儀

思齊

徽德徧絃絃月馭風輿上九天

大禮森嚴

昭會典

新綸稠疊纂長編

鸞旗翠葆威儀肅桂酒蘭

肴

涕淚連

聖孝通微超萬古祇虞海墨盡難宣

良鄉道中

桑柘陰陰隔近村素車白馬比雲屯午前更灑疎疎雨似與

從

平聲

臣益淚痕

塵沙早已淨陂陀共炷名香候

輦過同此東風同此路不

知今日是清和

山村水郭路重重雨過前山斷靄濃知是招提皆禮佛白雲
峯外數聲鐘

仲夏送瑞應南歸四首

南風播時薰綠陰帶芳甸潯雨尚未行頗覺征塗便驅車犯
浮埃擊楫下高堰六年別故鄉雲山彌可戀深憐舊業凋豈
謂客游倦忍聞鈴馱聲抗手戒清旦

吾姊夙儉勤相夫數鹽米經營負郭田分析迫諸子何圖中
道亡寧堪訊天咫子又軫哀絃尚乏南山梓惟餘咏絮人差
能辯文史此恨與我同語次悲何已今歸過金閨良家禽可
委不煩雙白壁便足侍牀第提攜儻北來分宅真可以

嗟我別江鄉奄忽踰廿載容鬢竟全非艱危殊可駭菟裘旣
未營龍岡寧有待吾聞諸禮經不葬服不改生平則古先念

此憂如痂煩子省先塋松楸便埽灑插櫬補樊籬編茆擇爽
塏庶備堂斧封事半功乃倍我趁鯉魚風一帆溯江海定能
乞君恩朝紱暫容解

念昔從軍時萬里事征討苦留白髮親形影伴昏曉齒衰疾
病多勢失過從少狐鳥爭叫喧門戶焉可保感子自南來渭
陽情獨抱摒擋繕醫藥料理逮微渺芸帙免飄零萱幃藉安
好是誼寧可忘欲語淚傾倒今歸纔及期又聽驪歌繞別離
雖不長終覺心旌掉所期慎眠餐聊用慰悽悄

錢獻之

帖

徐尚之

書受

金振之

沖

胡元謹

量

張漢宣

彤家敦初招同朱竹君陶然亭小集分得五言排律

二十四韻

趁暇呼朋熟尋幽得地高亭虛遙對堞水涵細通濠路隘才

容騎車低畧似舠回塘穿蘋蘩枯樹聽蚋蝻紺宇凌千尺蒼

嵐映四遭披襟涼更爽摻袂喜斯陶洵美南都彥均推北地

豪

謂竹君

衣冠從灑落禮數謝繁囂旋設桃枝席徐斟竹葉醪

擣珍充鼎實佐豆潔溪毛投分情逾愜論文首重搔篆書宗

許慎珠典沂徐敷古義康成訓詞源正則騷質疑羣說具舉

要片言牢經術須前輩身名歎爾曹遷期鷺出谷和媿鶴鳴

臯絢彩丹山鳳扶輪碧澥鼃且俱窮蝨簡何事慨綈袍一飽

風猶在三商日漸韜於焉娛放曠彌足浣塵勞雨氣濃鋪罍

雷聲殷伐鼙蟾昏催舉燭騶闌促鳴鑣豈覺狂言怕終將樸

學操再期河朔飲重把蚬蛤毫

時余復將觴諸君於此

家上舍冀川

浩

招同漢宣元謹小飲酒罷同過憫忠

寺

晚日松梢將落涼風牆角初生扶得酒邊殘醉小香臺畔微
行
瘦權癩可舊識短李迂辛新知坐久長林欲暝空堂放梵聲
遲
六月何當追暑十年重訪前游不是香羅疊雪精藍深處如
秋
缸萍已開十字籬菊才種千行絕勝開樽河朔浮槎小試流
觴

李撫軍右川

湖

惠湘蓮寄謝

瀟湘連洞庭青青徧蘭芷碧莊與香蘅幽芳散洲汜間以菡
萏花淩波渺雲水扁舟落其實良可佐服餌生平寡嗜欲膏
蘊夙所鄙頗復愛芳蓮包茅來千里君如玉壺冰貞廉久自

矢同心辱餽遺不惜疑薏苡我今將歸吳土物亦清綺雉尊
品最佳鱸膾味益美行將致一函庶幾等報李

八月二十六日夜集鄭學齋送尚之赴鹽山聯句六

十四韻

合散意未厭

甫德

分襟手先抗高齋劇清虛

青浦徐薊

詞客盡

惆蕩谷空懷駒維

昭文吳蔚

塗遠感驪唱聚散風搏沙

嘉興

經書

去來塵掘坎契緣耦居殷

秀水王

情用小別愴令序際

秋高

烏程張

晴曦轉春盎露華綴金莖

無錫楊芬

霞彩豁蓬

聞涎涎駢辭療

武進徐書

淒淒葦語裳荷衰香未銷

德

霰徐颺景物逼蕭森

蕭林

河山攬悲壯黃騰潞水波

門嶂霽久旱塗泥

書

涼深絕炎炕選勝景彌佳

初

追歡神頗

王叢譚翦韓繁

漢

促坐列歐舫臭合味逾蘭

蕩

言溫挾同續

矧余本愚慙

尚

入世豈冗長秀是江東推

德甫

美非城北讓舊

家鐵甕鄰

林詹

新製玉臺既慘綠雖少年

甫

中黃等飛將一噴

真一醒

年書

十決還十盪摩霄鵬擘雲

初

橫海鯨跋浪門庭得

真傳

漢宜

臺閣有依樣賦醕西都賓

裴

碑考北海相問字喜春

客

尚

說經嘉磬伉文思聿湛深

甫

志性乃慈諒棲鴿類乾筴

林詹

食墓侶張暢獨行眾所推

甫

浮榮視猶儻會看簪吉征

寧復軫剝放應起曲江名

初

遂侍含元仗今春辭蘭陵

宣

漢上

計過督亢始至質臯廡

裴

繼遷依釋藏

時

寓永畸士偕許渾

尚

之謂經師服戴望

謂

錢

步趨蛩後先

甫

廣和禽頡頏名流

爭攬環

林詹

上客互投狀論心恨已遲

甫

識面慨非妄譚藝抗

其精

年書

道古敦所尚相期彼岸登

初

庶幾我軍張茲違鄴下

游

宣

聊作剡溪訪詎憂邁靡靡

裴

終覺情悵悵咄嗟煩官廚

尚忽卒辦祖帳劍童飭招邀甫德竈婢競拊搗瓊浮雀舌茶林

壘撥松花釀蟹熟毛以薑甫豚蒸濡用醬薑菹發宿儲年書餅

餤詫新綳銜杯笑正酣初教投箸神忽迂襪被幸同攜與漢宣時

行思借春糧誰見餉瑯環書百函蕩轂棘車一輛杳杳鴈銜蘊

尚之勞勞獸走壙游日乍依依甫德回首定恨恨青垂梨半林舊

紅綻聚一桁縣僻夷邨墟甫邑巖置亭障童山屹有棧年書齒

井寒無漲旅程頓羸驂初教甥館卸輕裝哦松訴合離漢尿絮

奇醺唱時尚之舅為鹽山佩萸席上分蕩鈴鞠籬邊傍時未

恣蹉跎之尚趣方適閒曠鹿鳴芳訊傳甫德鯉躍層津上一舉快

先登林三捷驚輦行土拭出龍泉甫葉穿開虎韞銀榜著聲

華年書月燈展諸鬯還過白楮坊初教再躡黑密廠須傾榼三升

宣重著屐幾兩刻羽佇郢謳蕩斲輪待齊匠樞衣復升堂尚

毋畏俗人謗

甫總

同人復集鄭學齋送獻之赴西安分得七言長律二

十韻

朔吹櫛樛木葉殘送君迢遞到長安劉蕢豈信文詞累君以策語
擯鮑照深愁道路難棘下遺經真歎抱淹中異本必親刊書
追絕業惟周史友結當塗悉仲桓每謂鹿鳴思野食屢羈鵬
翼望風搏中年陶寫原無藉下第情懷迥自寬抗手非同題
柱客折腰恥作寫書官來經薊子摩銅狄去指仙人捧露盤
古驛蒼蕪沙獵獵征途叢鞠影團團三千法界臨高蹠百二
關門擁急湍渤碣雲深行漸遠峭函雨霽候初寒建牙東道
依賢主秋帆中丞躡屐展南樓接古歡來殷中允去軫遙看隨塞鴈分袂
詎免惜蜺蟠世親久已攀蘿薦交誼從來媿蕙蘭其沂微言

千載合別裁俗解百夫謹幸邀下榻同燈火未晒空堂剩積
莞卜夜再逢佳士聚開筵仍飽腐儒餐依微蟾欲沈弓影
膺烏將振羽翰勸學頻教師鄭服知人端在辨殷韓驪駒歌
罷重迴首含譽星芒拂馬鞍

禮緯下有賢人聚則含譽星明

秋林授經圖爲同年韋慎占謙恆題

九師遺訓久失傳先天河洛爭喧闐野文誰始始輔嗣專舉
人事爲真詮兩漢遺法悉愍愍置猶出蕭艾芟芳荃後來幹材
益剗說率以臆對誇虛元卓哉資州功最鉅三十二氏相鈎
鍵鄭君爰辰契象緯孟喜卦氣隨衡璇旁通最數上虞奧升
降敢議慈明偏納音納甲亦偶及茹納萬派規其全坐令後
代汲古士先河尚得窮靈淵我昔從軍過莊道讀書臺杞叢
寒煙撫髀太息告牧守亟奉粟主供几筵春秋享祀幸匪懈

大書深刻青瑤

資州有李鼎祚讀書臺辛卯冬予過其地

告之知州本著俾作主以人莫有知者鄉賢祠內亦無其名

祚于學宮并爲文鏡諸石豈能昌言紹絕業望古聊免心

憂悵韋君崢嶸起上第鴻詞彩筆相新鮮螭坳鰲禁聲望偉

文昌華蓋光芒聯絳節衡才赴東海思用經訓爲開先明湖

沉復好山水步有酒舫家漁船鐘樓迥出紅樹杪藥子馱往

青溪邊講堂曉開槌大鼓子矜幾輩隨差肩六詩三禮姑舍

是首明義畫敷寒氎清言霏霏等屑玉精義袞袞同飛泉智

者忻喜愚者歎金篦刮目開蒙顙公餘清暇更課子小狐濡

尾俾無怨君自題有句云小狐歷城我亦舊游地曾記授館

資丹鉛圖書萬卷列左右有若蟬螽紛旁穿端拜維誦竟何

補僅與弟子排蹶筌流光一瞬已廿年却視斯卷情悠然褒

衣博帶當檻坐雛鳳以次偕勤拳漢京經術重師法汝陽會

稽咸家傳矧君九世遞承受膝下陳義聞便便豈惟門風等
房杜定見行誼儕淵鑒天人理象浩煙海古曰在昔稱先賢
折揚皇荅諒勿取陸澄有說期覃研

題潭州鐵佛寺塔柱文後

潭州志唐開元時衡岳降神舍鐵造佛兼以鑄塔乾
隆四十年梁階平中丞國治修寺工畢次及墺除舊
甕得鐵柱如幢貫塔中長丈有四尺圍尺有八寸上
刻觀察李思明皈依慈氏發願生內院文下刻陀羅
尼呪皆宋淳化元年進士董護書僧曰道崧工曰李
昇計字七百六十有奇完好可誦臬使梁幼循敦書
搨以遺余且屬作詩以記之

我聞阿逸多事蹟著梵夾生於日月燈兄弟並截業稽首師

妙光好游心不乏厥名志求名利養頗嗜啗因得唯識觀行
滿塵沙劫記次補佛處無生忍所攝現在兜率宮雷音振衰
芥人天百萬萬瓶拂繞千匝有願上生者彈指但一霎分處
內外院根器了不雜各各悟身塵紛紛謝夢魘坐待末教時
金輪起傾壓爾時閻浮提紹位更說法是以雞足山入定有
迦葉手持金伽黎萬仞閉巖闔而此震旦中投地累肩胛舍
生復受生三摩冀親習判官故自超清齋飽米汁不欲阿閼
居不欲蓮池涉願生天中天免胞胎化溼敬聞第一諦衣袂
天花裏惟大陀羅尼密因機最捷如昇天得枕如浮海獲楫
冀渡一切眾雕鏤照眉睫巍巍鐵佛寺矗以千花塔年深半
傾歎已慮相輪塌中丞更新之脩夫佐鑿錡中標鐵柱尊稜
稜久尚插厥長尋六尺厥圍二九恰厥首蟠龍螭之而震鱗

甲剗剔蘚與落磨洗泥與塪字畫忽分明精鏤助光熠深觀
發願文血誓宛盟歆速求正等覺慈氏儼可接李昇爲鐫工
道崧乃老衲年紀宋淳化閱世六百臘其文七百餘字字妙
妥帖念彼觀音力鬼神盡震響呵護永不刊覽者並懽洽登
登拓藤紙裝潢伴白氎懿與華嚴境樓閣何人躡善財昔南
詢仲暉見巾櫛香雲華鬘雲莊嚴麗層疊普告善男子信此
勿呀呬我亦懷西方刻意修淨業無礙大悲心熏修愧周浹
五色爛金沙七重蔭簾押勝果諒不殊須彌容互納放筆爲
此詞海潮應歎歎

送錢上舍魯思南歸

垂楊無復覆寒津欲覓將離尚隔春草草分袂增悵望紅亭
誰可贈行人

筆如臥虎更游龍其讓臨池八體工此去有人爭破滅長塗
莫歎客囊空

茸裘不敵五更霜鈴馱聲中整客裝幸有同人謂尚相慰藉
茅檐土銼夜歌商

秋風瑁璫不堪論共逐征鴻返故邨今日送君歸獨後臨岐
銷盡未銷魂

題文衡山五柳歸來圖

後幅并錄
移居詩

陶公返柴桑高節著千古古來賢達流圖繪豈勝數是卷衡
山作林巒互容與橫橋接蘅臯清溪繞農圃從容扶杖回垂
柳拂眉嫵琴樽映簾櫳花芍散庭戶疇昔所植松青蒼歷風
雨相對歲月長足以貞出處從茲想高情不翅鸞鶴舉後錄
南村詩風流宛相語是畫并是詩生平性所許何期廿載餘

塵網久羈旅捲圖益自慚遙憶青溪墅
庶藉息壤盟歸作漁樵主

春融堂集卷十六

青浦王利德甫

杏花春雨書齋集

二 戊戌 己亥

扈從

扈從猶前度經行異昔年

慈微長自在

永慕意

彌虔縞素遙空雪蒼涼欲暮天道旁鳴咽水凝聽尚淒然

秋潮早起

占候春回晚清寒尚不勝秋潮昨夜宿野火對殘燈塵壓宵

前雪風凝月下冰莫愁裘袴薄初日漸東昇

朱竹君翁振三暨孔農部體生

繼涵編修衆仲 廣森

家虞部懷祖

念孫

小集陶然亭

荒灣斷阜殿亭前上日初過祓禊天自有文章歸我輩莫教

風雅讓先賢，竭來裘屨人千里。

時北雍試者二十餘人

却喜琴樽月一

弦，好約時時爲此會。潞河聞到酒如泉。

送張總憲墨莊先生

若淮

予告南歸三十六韻

杏花已坼桃花紅，潞河官舫張颿蓬。都門祖道車百輛，羽儀爭羨南飛鴻。惟公壯年始通籍，公才公望人所崇。聲華夙推丹穴鳳，名節共避青絲驄。香廚四部恣綜錄，龍轡萬卷蟠心胸。端如師丹在漢室，爲國黃耆時儒宗。年逾七十頗未老，意氣直上森長虹。隔冬偶爾困腰脚，玉階趨走難爲工。引年致仕稽昔典，抗疏遂達明光宮。聖朝優老重雅尚，俞旨特許歸江東。迴翔非無北闕戀，游戲擬繼東方蹤。前袞節過春水碧，便拂塵袂辭羣公。我思一八一宵嘉遯鐘鳴漏，盡羞怱怱舉夔已足贊。邳治高蹈不惜師，臺佟里名集賢花。

木富坊記履道琴尊同輞川鑑湖亦幽絕海寓延望俾方蓬
今公蕭然僅壁立樓臺無地開林叢千金裝本遜陸賈一區
宅未如揚雄春秋佳日撰杖屨曷以寫興娛幽悰惟聞龍眠
好山色彎環眉翠摩高穹朝霏夕霧互窈窕汀花浦樹含豐
茸 賜金園子矧猶昔勝踐是處堪扶筇別來益嘉清景麗
到日未值炎光融身居伯時圖畫裏煙雲供養無時窮懸知
怡神並繕性會見兒齒方雙瞳自憐蘭臺日走馬應官聽鼓
連春冬璇源之館垂雲汧雖有夢寐無由通歲星可望不可
卽安得接席聞春容忽憶吾友乞身去謂姚郎中姬傳讀書學道兼
畊農聞公歸來喜折屐村南村北時過從昇輿應預弟子列
結韞定似前賢風洛中儻有唱和作尺素好付郵書筒

題汪孝廉劒鐔

端光

禪雨山房詩詞後

迎鑾鎮外水雲賒曾記清游繫短槎今日讀君腸斷句分明
江左最清華

舊向煙波試釣輪吳閭明月廣陵春卷中詩句清於雪
冒與溫岐作替人

小令長牋不自持戲圍紅袖寫烏絲好將白石新填譜重按
江湖絕妙詞

送吳少宰樹屏

嗣爵

予告南還并呈余司寇

文儀

緩上籃輿出鳳城都門祖帳羨

恩榮望中煙水還山路

夢裏觚棱戀

闕情竹箭流平舟子慶棟花雨過候人迎

淮黃保障功猶在遙指金堤一綫橫

少宰在河道總督最久

其辭

丹禁共歸田二老風流邁昔賢

時與司寇同行

放權先尋

清隱閣流觴重邁永和年

司寇居會稽

攜來筇杖閑身健分得刀

圭宿病鑑曲香山多故事任人圖畫等神仙

乩仙山水圖爲曹慕堂題

河山大地原虛幻妙明心境從空現何煩遊戲借扶驚灑墨
金壺示奇翫今看是畫獨超然染碧接藍溢東絹桃華漠漠
映桑榆竹箭叢叢雜葭菼石澗微緣古逕斜柴門下瞰清溪
漫溪回逕轉架橫橋暖翠浮嵐紛撲面扶杖人將適莽蒼抱
琴童亦能蕭散六柱舟循遠步移三家村向寒墟斷何方有
此好江山不慕蓬萊隔霄漢入世因緣詎易推多生結習知
猶眷問說高齋晝閒時焚香乞畫陳青案須臾信手寫煙霞
數尺剡藤分峭蒨紫府丹臺不署名洞天福地良堪羨豈須
宗派問誰家自識仙真定名彥絕境難教子驥尋俗書應破
彌明謾君今雅尚乞刀圭

慕堂常讀性命圭旨

我亦還心壓塵坌擬從

知藝叩根源爲遡風輪持震旦

題周分司雪舫

宣猷遺照

遠山萬千疊近山一兩峯蒼雲古木杳無數環以激波冲
澗世間俗塵飛不到於此乃築幽人宮幽人宮秀而野翠石
隱雲欄香茅接檐瓦錦暉銅匱位置工龍賓鳳味安排雅呼
僮拂几開牙籤似欲掃禿霜毫尖詩情已得勝地助豪興更
藉藏鈎添香象渡河翅擘海想見揮毫九州隘槎枒肺腑不
須鐫雲夢胸中何芥蒂我昔逢君廣陵驛雪片如雅打窗格
畱犁風動酒瀾生辭後長歌頻拓戟嗚呼騎鯨化鶴空千齡
圖中彷彿存儀型誰知此日頭顱白猶復看君鬢髮青迴思
昔過瀟湘渚斷鴻哀狄啼吟苦幽篁櫛械女蘿深母乃圖中
卜居所君長題殘清淚挹連絲湖海蒼茫又一時空慙宿草

延陵劍擬作空山有道碑

時方欲作君墓表

送羅孝廉臺山

有高歸江西

禁城差喜炎氛過又聽愁霖懸酒大隔窗竟夜落檐花曉起
槐街泥沒髀來牛去馬總嫌辛君也奚爲理鈴馱君言三度
走春明暴鰓黠額頻摧挫分同鷁退慣隨風身似蟻行還繞
磨稱名雖未比聲牙賦性偏常嫌堀堦風生況復愛柴門疊
花貝葉嚴清課亟思淨侶共茶瓜不惜貧居飽糠莖祇憐京
雒故人多說有譚空資切磋古寺鐘餘义手行

余常飯臺山於法源律寺

蕭齋酒罷聯牀臥此行摻袂復何時未免相思費勞暉嗟君
素尚本蕭閒莫向長塗憾坎坷晨攜藤笈上征輪晚壘生衣
埽煙鏹卽看放溜下清淮恰值秋光滿津邏處處濃香糝桂
枝家家晚飯炊香糯女墳湖與武林山山翠湖波淨難唾早

暮恆依般若參煙雲好伴維摩坐況有金閫物外交

謂彭子允初紹

升汪子

大紳捐寒山拾得相喏和安心不復叩云何舉掌知能窮這

箇三觀

去

真修到滅空十元妙義從翻破回頭一切本狂華

泡影寧容供顛簸學道知君願已成休官愧我心猶懦瘦馬

騰驤自不勝春蠶裏縛誰能柰履道逍遙讓白公出關羈旅

懷周賀三义河畔想經行爲我和南禮蓮座

謂照月禪師

乞師方

便作錐一洗從前詩酒澆

餞門人楊蓉裳

芳燦

赴蘭州六十韻

古郡緣邊路初秋餞別筵情依燕市筑興協祖生鞭柳識將

攀苦桐因遇閏偏

時閏六月

蕭蕭沙苑馬嘒嘒驛亭蟬小促良宵

飲聊紓別緒牽湘醪浮大斗湖茨佐加遵鄉味披魚膾雄譚

削鐏肩蒼茫開遠思悵悵觸前緣憶昔巴山雨回聽蜀國絃

饒歌朱鷺競愷樂白狼闐德行推荀淑經師禮服虔

子自金川奏凱

始識笠湖先生

時撰春秋左鑒拊心嗟薄宦屈指數諸賢羣從聲名盛同時

譽望傳珍材森巨嶽壁宿合高躋文采千重錦詞華十樣牋

謂方叔承叔及令弟荔裳

驚人咸踔厲念子更清妍警咳珠成唾雕鏤玉

作編識麟由綺歲吐鳳在韶年豹鼠搜奇僻蟲魚任貫穿早

誇延壽賦嬾學子雲元已覺蜚聲遠仍憂涉世適空居多佗

祭作客費盤旋殘雪西冷權晴霞北固船風雲供詆蕩山水

謝拘攣逸興千夫上高懷百代前琴尊來雜遝縞紵獻填駢

袁虎招邀數子才嚴維歎賞便

東有侍讀香囊逢謝傳謝少宗伯

明經入貢絲竹感彭宣

君爲雲相少豈謂三霄迴行將六翮騫陸

機初入洛樂毅遂游燕榻署陳蕃客舟推郭泰仙淩雲須奏

伎晝日待持權方羨江湖侶應陪省閣員何當宜望縣矧乃

注窮埏秦雍黃河界甘涼黑水壩星文兼井鬼戎索半岐岍
扼塞西陲廣安屯北部聯風沙恆匝地野燒忽連天遠畧追
蒙遜雄圖壯赫連瓜沙餘種落隴坂重關鍵古埃荒原樹遺
墟版屋煙郵程經太華亭障逼居延地亢稀甘澍年饑剩石
田 九重方軫恤兩稅擬齊蠲種稂經秋熟瘡痍計日痊
土毛回瘠鹵官舍省緡錢駐憶三都谷鳴琴五眼泉茲行堪
嘯傲且莫塵幽悵自分同蒲柳寧期接蕙荃三辭勞上謁一
飯愧居先朱玉風華首侯芭學術專佇看騰仕版不埃卜靈
筭世德高塋鳥前徽講席鱣風騷存我輩衣鉢賴真詮藝苑
勾中正才人員半千代興知有藉高蹈幸無愆碧漢秋期近
金鷗暑氣捐分襟還彳亍贈策倍勤拳腸甚如輪轉膏母向
火前後時愁最劇遙指兔華圓

時以十
五月行

過海南院

名藍隔御溝半露幡竿尾垂垂樹影中忽見雙扉啟殘僧如
村農樸質亦可喜茶杯旣冷澹香煙亦迤邐導我望賜臺云
在秋雲裏不惜馬蹏遙清游從此始

太子堡道中作

四山抱村塢秋盡剩微燠夾道列垂楊霜輕葉尚綠此間多
水田縱橫等碁局虛牖挂鋤犁廣場走碌碡何殊大江南數
鍾號衍沃

三輔先嘆乾黍苗失所養旬間連夜雨霑潤徧高壤麥芽爭
迸土青蔥已有象果園亦齊收疎林愈蕭爽驟馬偃平皋雞
豚散林莽婦女更熙熙攔街指過鞅

黑龍潭

神漢貫巖脈出土如噴珠潦清纔數尺曷以神此都斜北俯
坎窞聲沸長傾輸森寒豎毛髮似有陰氣噓幽燕地高亢日
夕風沙麤每逮四五月未見甘霖數麥焦菽豆稿豈免勞呼
雩我

皇恆祭告

萬乘移旛旗羣公亦齋被劒佩交通

衢青詞布誠懇上達虛皇居兩工驟鞭起電母偕雷車金鱗
挾煙霧坐見千村濡雨餘復報貺香帛懸神廚是以畿輔地
終得成膏腴今我來九月水涸初歸墟玉沙粲可數荇藻紛
根株上有萬年藤絡架相盤紆嶷嶷出角爪且復雄牙須旁
有數折水遶澗鳴笙竽老樹礙肩脊落葉飄襟裾層堦五十
級玉殿開方疏曷俄秉圭璧民命司其樞碑亭供左右

列聖垂神謨

兩朝著靈應封號良非誣稍南炳

宸藻星日纏欒樞其陰勒

睿詠雲漢同嗟吁傳之千

萬禩直與思文俱憶歲在申酉三度隨
鑾輿仰見羣小祀
致敬天神如信宜格靈祐樹雨露墳壚前游倏十載日月同
奔駒壇墀儼猶舊埽灑祠官趨回首睇村落高廩依桑榆所
祈入冬後瑞雪盈平蕪早春復降澤不藉焚神符嘉祥協十
五永使
皇情愉

遊大覺寺及諸蘭若

日見西山面不作西山游山神應見哂病俗難爲瘳我聞翠
微路煙景堪窮搜精藍七十二各各名林邱遠行旣未果近
踐良可求一笑靈泉寺紅葉盈雙眸

林稀路漸高岩巖聳聳白塔復聞星星鐘偶與秋風答策馬更
西行乍見禪扉闔鄰僧導我前逢迎得老衲忻然叩姓名揖
讓等朋盍透迤度橫橋殘荷已蕭颯呼童進杯茗坐我東齋

榻

寒曦上鐘樓映以楓葉赤幸逢時未晚尚可恣游歷開軒竹
萬竿一一拂巾幘舊榦霜欲枯新叢泥尚坼其旁桃杏枝橫
斜埽窗格僧人指示我惜不來寒食繞欄玉盤盃殷紅照瑤
席

微行繞畫廊丁東奏方響過牆見清池其寬僅尋丈絕底寫
空明粲然明珠上龍脣亦噴瀉冬夏無消長分流入寒溪彎
環潤幽壤池中金色魚百十自溶漾

茲區實古刹剏造由遼年暨乎明昌世入院尤爭傳厥初號
清水繼迺名靈泉緬惟南陽裔永結檀施緣彈指現樓閣百
萬捐金錢珠宮移海藏四部函人天上祝

無量壽次以

祈洪延併及南北院願力浩無邊吁嗟那羅窟誰考瑤華鐫

披榛拭古碣稍補青鞵編

名山近玉泉神皋勝所聚石景旣透迤畫眉亦蟠互蒼蒼鷗
鵲谷夙昔駐 鑾輅至今雲構開宛似含香署禁扁炫彤霞
楹聯綴珠露陂陀勒 奎章高下傍嘉樹豈惟詞客拜定
使山靈護禪僧望 幸心頻年候三素

西巖隱殘晷東院懸明燈法鼓振靈響魚版聲頻仍香蔬晚
飯罷緩卸雙行屣心清本無寐了了涵寒冰道人埽土銼亦
復鋪綿繒山空聞見寂宵靜心神凝惟有幽磴水繞檻鳴琮
琤

日出露未晞秋林益妍好昨晚所經行朝來肆搜討寒禽亦
驚起對我話幽抱惜我世緣深緇塵未能埽明春定重游枯
筇拄芳草尚擬共巾車歷遍愁題道

陸觀察青來耀刻其尊人虔實先生璜所臨漢魏隸

書各種見示因題其後

蘭陵弟子

李斯荀卿門人

藝偏工摹勒更番妙蹟空祇有史晨韓勅

在何繇盡見古人風

石經殘燬六書亡隸法似離逮魏唐劉升

史惟

已工韓

擇木蔡

鄰出可將金薤比琳瑯

北宋而還篆隸淪衡山百穀貌相因奉常獨起追千古朱

竹垞

鄭

汝器

仍當步後塵

一官顙顙近邊城古帖臨摹百幅盈若使同時論筆力小蓬

館共崢嶸

謂黃松石樹穀

暮夜何由動素衿收藏先澤似球琳官齋暇日臨池罷更勒

貞珉播藝林

漢隸藏來興未闕還將唐宋比琅玕如今更得中郎似閉閣
從容盡日看

奉 命總修一統志

一統規模邁漢唐屢經編輯更求詳百年久頌 聲靈大四
海重瞻 控馭長地步大章通北極經從伯翳亘南荒自慚
微外身曾到筆力何由富括囊

山谷詩有晁子智囊可以括四海句

冬日郊外

扶上肩興夢未闌水關流響尚淙潺山腰欲散雲千疊屋角
猶堆雪一彎秋穫有餘烏鳥樂耕農無事馬牛閑畿東米價
經時減報社吹豳各破顏

泰東陵扈從

白柰花殘歲雨更大祥

聖孝倍關情上

陵未到

清明節先肅期門謁

寶城

孝思維則動頑愚回首江鄉淚眼枯
尅日陳情行就道春風一騎下南吳

歸葬出都作

故園回首望松楸抗疏陳情願已酬
先具帆檣繇潞水太夫南行更裝袴褶度蘆溝兼程自覺馳驅便慢葬難禁涕泗流

最幸禮成

升祔後

恩綸重錄告山邱

趙北口

趁早先鴉起循堤跋馬過驟綱煙外遠漁唱淀中多
飄渺聯三輔微茫近九河垂楊垂柳岸攀折歎婆娑

東方朔祠

休道詼諧著漢庭懸珠編貝見儀形
人間何處窺王母天上

誰知隱歲星宜室宴遊雖已罷上林苑固竟難停夏侯像讚
山陰筆更有平原作典型

東方朔像讚本王右軍書顏魯公又書大字

東平雨後望蠶尾山

夙聞小洞庭迤邐蠶尾山煙雲互綿渺水月資蕭閑是以新城翁相賞生幽歎今我適經此夜雨曉漸闌湖天倍瀟照何異蓬瀛間地豈異今昔人疇能往還獨羨五太守樽酒臨潺湲千秋擅風雅高致殊難攀征途桑柘裏濃綠生微寒解鞍坐遙睇良足開塵顏緜緜左神洞沄沄銷夏灣我鄉絕勝地鼓櫓行盤桓

東阿

試問魚山路何如洛水濱淩波時見影微步豈生塵籟響神絃應雲開翠黛真賦才饒八斗含怨與誰陳

至沂水梁莊驛

沂水望沂山青蒼亘百里參差海岱間靈秀固莫比高非葛嶧同長與徂徠似周禮表青州作鎮良有以想當薦馨香煙嵐共渺瀰惜少尋幽人緣谿展屐齒經過迨夏初綠陰猶可喜山下紅花溝遠匯芙蓉水石構屋數椽明窗布棐几日長清景多妙境誰能理蒙陰況未遘或夢南華子

卽事

雲霽風輕放畫橈望亭潄墅路非遙廿年不作鄉關夢喜聽吳淞上晚潮

到家

一別家鄉廿載餘恆春橋下認幽居推窗更望諸峯在謂橫馬神諸山還似當時對讀書

經營工築用無多茶籠繩牀足嘯歌更喜小池桑柳外濃陰
添得竹千窠

舊家宅第徧吳趨相勸遷喬卜一區敢擬廬陵歸老去雲山
愛住潁西湖

西秧田

湖名

北水云云六里湖波兩縣分正是雜花生樹日一

時葭莢綠如雲

雪葭丙舍係崑山縣境

團蒲小小敞虛楞守望新阡自可憑但使晨鐘兼暮鼓不妨
竟置啞羊僧

朱節婦詩

葉裕昔著震川詞厥母斃獨悽心脾今觀朱母吁更悲年二
十六分衿襦春華驟賈秋霜施無夫無子誰因依七日不食
將相隨絕命有作陳哀危書以指血紛淋漓姑舅慰撫聲酸

嘶吾老何恃何弗思矧子可嗣弗棄基汝宜忍死還哺糜母
拜受訓垂漣而逾年狸首躬扶持葬在北望阡之陞未幾舅
也頽崦嵫附身附柳靡不爲歷年一紀護枝萎致哀盡禮人
嗟咨勞勞井臼手足羸捐捐紡績形神疲歲復大祲虛晨炊
不惜雷轉空腸飢子漸毀齒能嚙啗爰命就傳通書詩寒燈
破案夜誨之卒明義理承弓箕今邁六十推女師永貞苦節
甘如飴烏頭綽楔匪所希區明風烈乃事宜行將上請籲有
司先屬彤管揚幽微吾兄巨筆摩天麾謂鳳文與熙甫同驅
馳洞庭東西峯屢屢三萬餘頃堆琉璃嫩行先後稱貞婺我
亦作此攬芳規庶以下激氓蚩蚩

蔡孺人詩四十韻

羅少卿微五典作傳

慎齋與我稱石交臯比講易芟榛茅

少卿工易常與余及鏗少司空鄂君所聚講

伉可信誰敢設何況苦節傳娥媼孺人族望出蔡郊婉婉至
性鍾垂髫大父父愛不待教利貞柔順占坤爻燼于東海鸞
同巢戒旦其警雞喈膠蘖砧逃出經湖淩岬蠅網室窗蠨蛸
門戶瑣屑田肥磽倉困錢幣迴不殺淳母親沃兼輝庖內政
穆肅除號呶姑也相視憐其佻汝勿勞勤思兼操亡何姑病
痠脛骸輾轉牀蓐紆煩恹時呻以吟頻抑搔便溺不惜手自
包上醫何處求申庶王母忽逝乘雲旂血淚永夜霜堂切緒
紆鼎致黍稷俯附身附擲孰訾訾此身幾等朽然匏瘍疾復
作不可謙俯視子女悲同胞屬以顧復無鞭敲奄謝正似夢
幻泡曾史之行由妍姣不勝喪死詎可嘲蓬萊一去山嶸嶸
空留懿行人傳鈔少卿文字非噴噏瀟湘路阻騰魚蛟德音
我亦揚孔昭後志列女期毋渝

題徐氏萬一公像

名某其六世祖名揆殉靖康之難見宋史忠義傳

毛駝岡上烽連天南薰門外駕未旋開封進士頸瀝血至今
廟食歆明禋忠義之後澤累世東園繼起當其傳居吳山水
占名勝卜地堂構堪承先圖成橫卷示來裔深衣大帶昭安
便孝友睦婣溯厚德詩書禮樂仍前賢何時什襲忽遠適巾
箱幾墮湘江壖文孫載歸喜無恙拂拭不啻瞻星躔魯人大
弓返故國王氏舊業遺寒氈梅鮑益覺意匠古丹青未損形
神全屬我題句志其事展卷肅擗心悃悃昭陵圖像剩蠹肩
麟閣冠劒空連翩愷之落筆寫宣武摩詰妙意規浩然伏生
授經已愴怳熙載夜宴徒嬾娟何如茲圖十餘世猶見盎睟
留承賴洞庭震澤波淪漣左神幽虛棲真仙清門喬水逾蔥
鬱遶砌玉樹紛芳妍東堂西序啟寢祔春祠秋禴嚴牢牲薦

馨鼎鼎考制作稽古碑碣工雕鐫雲初舒鴈共行列坎坎伐
鼓鳴神絃道德之容山澤氣式臨其上生恭虔回思宣教更
奇偉精爽未泯風雷懸忠魂磅礴蔭奕葉信史感激垂千年
士食舊德農服田仰事宗祖期無愆

壽夏秀才承天表兄

雲龍

六十

流光過隙同奔駒舊游漸見霜生鬚波斯照影古所歎況我
萬里隨戈及參辰相望久離別所喜交誼無差殊憶昔與君
共讀書中表兼幸依葭莩君時弱冠我總角有若朝旭明芙
蕖小園花木秀不枯兩株松桂森堂隅淞南夫子稱大儒褒
衣博帶譚黃虞惟君暨我規步趨夜窗細雨青燈孤論文考
義分鎔銖出入亦等蛩驅驢人生飛伏那可圖花落裯席隨
風區君爲諸生棲衡廬我偶通籍行亨衢金闥待漏聽鈴索

瑣院校士研丹朱尋從上將西南趨直入驃國窮彭盧斗牛
南盡開壁壘峩岷西越通儲胥款段之馬下澤車回憶故侶
頻嗟吁兵銷奏凱歸京都陳情并得南還吳牛眠馬鬣方勤
劬未獲一見心煩紆聞君今年屆六十腰脚不俟筇枝扶老
妻稚子鹽米共幽花疎竹琴樽俱庚桑畏壘言豈誣羨君洵
是山澤癯惜我忽遽將首途臨秋未遂謀蓴鱸安得知止追
迂逋方今六月暑欲徂相期致語依桑弧缸面酒熟傾雲腴
叢談脞說毋擲掄絕勝鼓瑟吹笙竽

葬畢卽營生壙口占

卜築瀧岡意尚賒便封馬鬣對雲沙終依祖父差堪慰儉示
兒孫不用奢兩岸蒲蓮臨浦漱幾重松竹護籬笆宅幽勢阻
人誰到休望他時有過車

蒲褐山房夜坐

銀河絡角不勝涼俯仰前塵黯自傷疏柳迴風驚宿鳥芳叢
浥露泣寒蠶梧桐頻落蕭蕭葉荷芰猶聞冉冉香却計生平
殊未定與誰絮語論行藏

泊閔行鎮

圓邨東來一道行新涼景物倍淒清江聲曉落春申浦海色
高懸滬瀆城紫蟹紅鱸紛市集青楓黃葉映柴荆閒身欲覓
漁樵侶欵乃煙中樂此生

上海晤陸長卿凌祖錫喬樸園

鍾沂

樸園畱飲有作

前因昨夢不勝思攜棹東來訪故知池倒南宮三品石
尚屬文裕公舊宅池中架陳北郭七賢詩
太湖石百餘猶故物也
謂吳中七
落筠廊斷嬋雅堂空薜徑欹猶有睢陽豪興在感懷相勸覆
沈香院

深卮

桐鄉

兩山晴翠小如螺雞犬人家一棹過欲訪清江居士宅丹楓黃葉白雲多

絕 秋日過淨慈寺佛裔上人出恆公小影索題感贈四

白蘋花老水沄沄重訪名藍憶故羣猶是湖南清勝地數聲鐘梵出秋雲

接蹟前賢了不疑惠崇小筆瘦權詩句恆公吟牋畫卷兼瓶盞

合付西堂作總持上人恆公弟子

方袍筇杖各風流二老清宵共放舟塔影湖光涼月底廿年如夢話前遊乾隆丁丑九月余過南屏恆公招讓山長老枕堇浦太史茶話至漏下二十刻湖心月露浩然

乃呼小艇送余回寓
迄今已二十二年矣

瘦骨條衣尚儼然湖山笠屐是因緣影堂月落明燈暗祇擬
長參不語禪

雲棲寺宿

湖山自東來錢江乃西繞蒼蒼五雲山梵剎最荒渺大師繼
棲真濃陰愛翠篠禪室樸不華清規久能紹攝此閭浮提共
率西方道往生本多門大愿力所造昏黃宿空齋菽乳快一
飽偶聞放生鹿絡繹出林表

題奚鐵生_阿贈富春長卷

奚生性聲牙刻意在不屑窮巷背城居衡門少車轍青衿已
久謝翰墨肆怡悅師法在宋元半是大癡出常拒兼金貽晨
炊耐冰雪聞我來西泠造門效磬折摻手相眉棱洵與塵凡

別更睨富春圖雲山互明滅石澗杳無人松楓露僧剎精舍
八九椽依稀蕙帳設深知招隱心感歎豈容說塵緣尚未終
明將返京闕移挂蒲褐齋臥遊契寥泐宛如見清標且以
慰此別

過吳門晤企晉

一年兩度過吳門舊雨來招共酒樽詩友久亡誰執手

適庭

崑南先

後下世詞伶相見亦銷魂

舊日周

圖書已逐煙雲散亭榭俱

荒水竹存

木瀆遂初

我亦風塵憔悴久何年吟嘯樂晨昏

晤彭進士允初

雪嶺炎洲滯極邊重逢標格更翛然清修將證三摩地歷劫
能超六欲天翰墨久成居士集香燈常禮往生編自惟積習
塵勞在擬話抽簪未有緣

贈陸貫夫

紹曾

江鯨濤聲

兩布衣

高齋紅豆久飄零長有時人見典型服愛麻沙求異本

貫夫多宋

刻書鈔本亦富

草生書帶守遺經

鯨濤專守鄭學

簞瓢屢空身猶樂翰墨長

留德自馨藝苑不憂知遇少徵車應向里門停

顧觀察晴沙

光旭

及同年周

際清

楊上舍永叔

拈和叔

遊惠山入聽松庵觀王孟端畫卷小飲寄

暢園時晴沙將製竹爐相贈

曲徑迴廊樹影重坐看嵐翠隱諸峯羣攜玉乳來煎茗正值

金鷄好聽松畫卷宛親前哲在酒杯幸有故人供竹爐佳品

憑君贈須趁吳船寄五茸

北固山舟次與子才話別

樽酒前宵接後塵

前夜在蘭陵蔣蓉龜侍御諸君會飲

征途重喜並征艚江聲

山色清秋裏如此真堪著兩人

往歲曾聞得衮師海中仙果果生遲芭蕉賤與辛夷筆不覺
青燈照鬢絲

少時詞賦動金鑾湖海才華老未刊洵是名山千古事莫
教畱與等閑看

時示小倉山房集

桂枝風調冠南吳一縷清歌一串珠并作老夫情緒惡江雲

黯淡雨模糊

時子才小史桂郎隔船度曲

瑯琊臨汝舊知名一別秦淮白髮生可惜江山如夢裏孤舟
翦燭話離情

戲贈袁子才

少小聲華逼浙西石城端合鳳鸞棲窺窗曼倩工調笑鬪酒
淳于善滑稽花月隨時誇寫韻湖山到處愛畱題後堂絲竹

誰人共羨煞門生玉筍齊

題藥根上人繖山松隱圖

徂徠之柏新甫松史克所咏材質工未免斧斤加磨礪何如
此松繖山側孤標未受秦人職至今鐵幹森千尺君攜童子
來遨遊椶輟簪笠癯而修不藉筇杖登林邱愛松之姿得松
性飛騰腰脚能乘興至今六十神猶勝惜君雙耳已稍聾不
如貞白聽松風第視翠色撐鴻濛卷中諸老多已矣祝君長
與松相似歲歲來看落松子

張布衣玉川

給

畫子穎詩意冊索題

萬山青到馬蹄前此景分明似劒川可惜不曾摹雪嶺層層
玉筍接雲天

危崖一徑飛泉挂絕磴千盤古茂低似我昔年經過處數椽

荒驛亂雲西

鎗聲如雨礮如雷曾共沙場督戰回今日竹西風雨夕不堪

讀畫更銜杯

飛鳥與人爭道路啼猿知我助悲涼

子穎句為時所傳

何當畫盡驚

人句始信書生眼界長

汪明經容夫中同諸子平山堂餞飲

平山闌檻又登臨北府軍廚酒其斟已有紛綸經義富莫愁

荏苒歲華侵周官注在推同志浚長文淳見苦心

賈應劉孝廉端臨治

拱通周禮高郵家懷祖念孫通說文廣雅皆容夫同學相與劇切者也

更喜雲梯先得路竹西

亭外報泥金

時江秋史鄉試中式報捷適至

黃石公廟

英雄來去無端倪變化輒與仙靈期穀城已傳黃石塚圯上

千古留荒祠老翁鬚髯儼道氣年少傍侍餘容姿行人香火
設杯珎巫史報賽陳牲犧當時相韓已七世太讐未報來東
陲見倉海君得力士博浪夜擊千鈞椎副車後乘卽誤中異
事已使羣驚貽天造草昧本不測祖龍就死傳危辭白蛇當
道帝子斷髮婦已泣聲嗚咿篝火鳴狐夜不息此椎一出風
雷隨十日大索更不獲妄男子應神魂離沙邱歸路鮑魚亂
軹道果見降王馳乃知肇謀有深意陰符早已通先機自後
儲位漸艱孰首招四皓求娛嬉商於笠澤倏來往角里綺季
誰能知陽施陰設大事定素書兵法生恢奇後來供奉亦侔
儻深歎智勇畱雄詞授書納履遺蹟渺惟有蝦蟇橫河麋裘
裒日暮羣欲闔怒颺恍惚迴靈旗

沈鐵工虛久廢堤尾閭憂不細昏墊塵羣黎

儀封

時決口未塞

城郭餘三版村墟失萬家魚龍排逆浪鴻鴈聚平沙
稭秭重山積鋤鋤永夜譁廿年遺誤處當事有誰嗟

過延津

延廩西來又一程清流如簞細紋深秋霜未下
寒風定恰稱三篙一棹行

白雲遙望路透迤紫翠盤空見具茨自是仙靈來往地
青楓紅葉遠參差

汲縣

月霽煙霏斂名山見太行嵩恆分兩界趙魏劃中央
巒嶂爭

層疊村墟望渺茫微聞沁水漲秋稼已全荒

涿州旅舍

小雪初寒十月中敝裘零落怯西風半瓶濁酒何能解差喜
泥爐梢柰紅

短牆日影已無餘拂拭塵沙滿褐裾多少故人相問訊呼童
難燭讀來書

題陸同年莆塘悼宗水邊林下圖三十六韻

秋林晚櫺櫟秋水遠浩淼紛紛雪葦飄漠漠溪雲繞此中信
幽寒未許纖塵擾彷彿細林山其下敞三泖天迴客帆稀湖
深漁蕩少清蒼祇一氣取勢極微秒君家本清門名德昔所
紹書畫聯弟兄詞章沂祖考人皆推國琛文悉擬鴻寶君更
少而才落筆散華藻一朝綰銅符崎嶇涉閩表耆老頌鳴琴

兒童競驟篠雖知惠政成尚厭俗事黷投効忽歸來循陔拾
蘭草不嫌致身遲正喜拙身早花藥驗春秋畊漁雜昏曉圖
史堪自娛餽粥差足飽心同顏子齋頭學巢父掉偶爾坐雲
根翛然望縹緲風神整以暇眉目清且瞭呼童移石鼎啜茗
伴幽討吁嗟九峯間名賢昔常造竹樹遠蒙茸樓臺深薺窰
陳仲諸一乾醇一乾相間出世譽等商皓迄今盡荒蕪往蹟付鴻爪豈
意百年餘復見倭人僚我嘗過高齋村墟互迴抱柔波綠有
痕疊嶂青未了風景似斯圖徜徉儘怡老塵緣媿我在再走
長安道天民感皇遠釋氏歎熱惱官衙展橫幅詎異望瓊島
生平同年友雅契等管鮑何因從君游飛空躡雲躋題詩路
三千聊用寄悽悄擬向長卷中倩此隨陽鳥閩中飛鳥最多故云

題查梅壑

士標

畫冊十絕

茅屋三間迴絕塵隔橋
翠筠新高人時與雲山伴不許
扁舟更問津

地僻稀人到緣溪選石便雲山無盡藏獨坐儘流連

森森潮生浦迢迢月照船依稀三四客相約訪名禪

巒翠層層望不分松梢一半掩斜曛華陽會散瑤壇靜隱約
鐘樓住白雲

雲聚南橋路空江水接天坐看楊柳外撐出采蓮船

畫到無痕處遙山約略齊空亭人不到一半與雲樓

秋山蒼翠亂雲連筆力分明是石田桐帽棕鞵知訪道緣何
不畫屋三椽

扁舟邀客趁初暄兩岸緗桃映水繁應訪藍橋仙子宅休教
認作武陵源

曲磴橫橋對碧岑何人攜杖趁遊尋三層樓閣松風裏望岫
應知己息心

稍遠南宗派猶留北苑風舊題詩十絕筆法亦思翁

題憚南田山水小幀

丁年邁滄桑託業寓遊藝共推渲染工豈識雲山意此圖信
手成殘臘寒方厲呵凍寫煙巒村墟遠池邈山僧少經行山
家門亦閉蕭條松檜中深得清幽味自題仿一峯實亦擬清
闕應知翰墨超總屬風標異名高六逸詩學兼三絕詣讀畫
有微言悠然發遐契

後有書論
畫一則

題元劉貫道畫蘭亭圖

生綃六尺麤而堅粉墨稍脫精神全此事閱時世五十此圖
五百有餘年蘭亭修禊本盛事右軍妙蹟尤通元采蘭贈芍

自周鄭士女遊賞相喧闐山陰況是絕勝地正當風日暄和
天崇山峻嶺合蒼翠茂林脩竹皆嬾娟一朝名士盡簪盞清
流曲曲迴觥船或於溪潄玩芳草或望樹杪懸飛泉或倚高
柯愛蒙密或喜濯足浮清漣或行或止意境別一一蕭散人
中仙一人胡牀獨踞坐掉頭跛脚接羅偏鼠鬚繭紙信落墨
忘言忘象揮雲煙我思嘉會豈易得觴詠良足超管絃何爲
生死乃悲悼當日三歎情悁悁是因典午方南遷逆臣相繼
纏戈鋌綢繆陰雨恐不及深源乃欲移戎旃慕容符氏況强
甚睥睨天塹謀投鞭爾時軍師若北伐何異鼠雀逢鷹鷂危
辭苦語終未省國勢阨隍臨冰淵佳時聊復作此會渴人必
笑姑流連此文旣工書獨絕辨才珍祕藏梁間文皇購得逾
球玉歐褚摹寫紛雕鏤後來畫工亦渲染藝林評泊爭丹鉛

是圖布置更變化中山筆意超蹄筌四十二人森欲動意匹
伯駒追龍眠摩挲三復念時事始識寓意深憂煎當年脫簪
已歸隱方擬江海資洄沿情殷國是乃如此尚論誰得推幾
先乃知士人風義重憂國不爾此卷曷以千秋傳